

## Syamsul Debat Kongsi Tips Bahagia Dan Produktif Di Tempat Kerja Bersama Staf UMS

Terakhir dikemaskini: Jumaat, 29 Mac 2019 14:40 | [Cetak](#) | Jumlah paparan: 111

Kongsi 0

Syorkan 0

Kongsi

Tweet

Share



**KHAMIS, 28  
MAC** –  
Penceramah  
bebas,  
Syamsul  
Amri Ismail  
atau lebih  
dikenali  
sebagai  
Syamsul  
Debat

menyampaikan perkongsian beliau bertajuk “Tips Cara Bahagia dan Produktif di Tempat Kerja” dalam satu program yang berlangsung di Galeri Majlis UMS.

Dalam perkongsian, beliau menjelaskan antara punca gagal untuk mencapai kebahagiaan di tempat kerja adalah kerana sifat tidak bersyukur dengan pekerjaan yang ada, selain cenderung untuk melihat kekurangan orang lain.

“Kebanyakan kakitangan juga mempunyai perasaan bahawa apa yang mereka miliki pada hari ini, yakni kedudukan atau jawatan yang disandang adalah hasil usaha gigih mereka, walhal mereka lupa bahawa segala punca rezeki yang dikurniakan adalah dengan izin tuhan.

“Justeru, belajarlah untuk menghargai apa yang dimiliki sama ada pekerjaan atau rezeki masing-masing, kerana masih ramai lagi orang yang kurang bernasib baik dan tidak menikmati apa yang kita miliki pada hari ini,” katanya.

Beliau turut berkongsi lima perkara yang perlu dilakukan untuk lebih produktif dalam pekerjaan serta berjaya dalam kerjaya.

“Untuk mencapai kejayaan dalam kerjaya perlulah bersedia untuk melalui satu proses yang panjang, kerana indahnyanya sesuatu kejayaan itu bukanlah kepada hasil yang dicapai tetapi liku-liku perjalanan dalam menuju kejayaan tersebut.

“Selain itu, dalam pekerjaan perlulah mempunyai komitmen, fokus terhadap kerja, menerapkan elemen disiplin dalam menunaikan tanggung jawab, serta istiqamah dalam setiap pekerjaan yang dilaksanakan,” jelas beliau.

Lebih 200 kakitangan UMS dari pelbagai jabatan, fakulti, pusat dan institut hadir dalam program anjuran Kesatuan Kakitangan Am UMS (KEKAUMAS) bersama Bahagian Sumber Manusia, Jabatan Pendaftar UMS.

Hadir sama pada majlis tersebut Ketua Bahagian Perkhidmatan Akademik, Darwis Awang yang mewakili Pendaftar UMS, Vina Zahriani Yusof, dan Presiden KEKAUMAS, Abdul Jalil Sapli.